

Ўсмир ҳалоскорнинг, жоҳилият қавми ёмон кўришлари ва ибрат олиб яшашлари



10:23 / 12.12.2017 3481

187

Ислом йўқ , лекин элда, бир оз ҳаловат бўлди,
Мазлумларнинг ҳаққига, рости адолатбўлди,
Росулимдан шу ёшда, кучлиматонат бўлди,
Залолатни йўқ қилар, Буюк Тадбирли АЛЛОҲ.

188

Кунлар ёруғ ҳамиша, лекин буэл зулматда,
Барча заиф, золимдан, қолар доим кулфатда,
Ёш Муҳаммад (С.А.В) камбағал, лекин доим ҳурматда,
Йигитликдан Аҳмадни (С.А.В) эҳтиром қилди АЛЛОҲ.

189

Хоинлар кўп бу элда, ожиз кўрар жафони,
Бой камбағал Аҳмаддан (С.А.В) , доим кўрди вафони,
Шаҳарда ёлғиз АМИН, будиллари сафони,
Қайда гўзал ишлар бор, Унга(С.А.В) қилдирди АЛЛОҲ.

190

Пок насаблик Улуф Зот, маъсиятга боқмайди,
Фисқу фужур авжида, ботил ишлар ёқмайди,
Золимларқалби қаттиқ, меҳр ёшиоқмайди,
Барча золимишларин, рўё кўрсатди АЛЛОҲ.

191

Парвардигор ҳикмати, бу дунёнинг сирлари,
Бўлажак Пайғамбарга, мушрикнинг ҳар бирлари,
Кўрсатди бор ишлари, ҳатто қалбин кирлари,
Ҳабибига энг разил, халқни кўрсатди АЛЛОҲ.

192

Буларнинг иши ботил, билдилар дилдан сезиб,
Кўрдилар ҳар жафони, ёлғиз Маккани кезиб,
Тоғу-тошни макон қиб, кетдилар элдан безиб,
Соф ақида фитратда, қалбин сақларди АЛЛОҲ.

193

Ҳеч кимсадан ўрганмай, топдилар Ҳақ исломни,
Хожаси бор Бошида, ташлаб қўймас Ғуломни,
Хожасига хос қулда, демас ёлғон каломни,

Тилда, дилда не бўлса , билиб турарди АЛЛОҲ.

194

Ақлин таниб ушбу Зот, ризқин топди меҳнатдан,
Ор қилмаслар қўй боқиб, қочмайдилар захматдан,
Арзимас нон пул олар, барча хурсанд Аҳмаддан,
Ҳарсоҳада бирма-бир , сабрин синарди АЛЛОҲ.

195

Бундайин ҳалол инсон, асло қилмас хиёнат,
Саводлар йўқ, шунда ҳам, қалблар тўла диёнат,
Ислом йўқ бу даврда, бунинг бари иноят,
Шундай разил заминда, Ниҳол ундирди АЛЛОҲ.

Жиззах шаҳар “ИМОМ БУХОРИЙ”

Жомеъ масжиди, имом ноиби

Ҳалилов Умиджон Абдуҳаким хожи ўғли